

För de Presse

19. Juni 2018

Karl-Heinz Madauß winnt den Quickborn-Pries 2018

De Schriebersmann Karl-Heinz Madauß ut Parchen in Meckelnborg hett dit Johr den Quickborn-Pries wunnen, de vun de Sporkassenstiften in Neddersassen tohoop mit de Vereinigung Quickborn in Hamborg utlööv't is un wo een € 2.000.- för kriegen deit. Michael Heinrich Schormann, de 2. Geschäftsföhrer vun de Sporkassenstiften in Neddersassen, hett den Pries bi de Fier in't Freelichtmuseum op'n Kiekebarg in Horborg öbergeben.

Dirk Römmer, een vun de Moten in de Jury,,: "Mit sien menschliche Schriewies, de ut een warm Hart komen deit, kummt de Autor ganz neeg an dat ran, wo he vun vertellt. He bruukt för sien Sprook vele Wöörd, de eegens al wat länger nich mehr veel bruukt ward. Dat hett de Jury öbertüügt." So bewohrt Karl-Heinz Madauß de Sprook, wat se nich vun'n Hoff joogt ward. He is eegens een 'Allrounder' un Sprookkünstler, de all de eenen Pluck vör de Fööt smitt, de disse Sprook opgeben wöllt. So blifft de Sprook in de Region un Landschop 'tohuus'!

Karl-Heinz Madauß (83) hett sik öber vele Johren in sien Region as een Autor utwiest, de mit de plattdütsche Sprook virtuos hanteren kann. Dat Hauptwark is een Romon in dree Böker ‚Hinnings Geschichten‘, de öber de Johren in dree enkelte Verlage rutkamen sünd: Band 1 ‚Oll Hinning vertellt – Geschichten ut Kaisers Tieden‘ 1991 in’n Hinstorff Verlag in Rostock rutkamen; Band 2 ‚Hinnings Geschichte(n) – Wer weit, wo dit noch kamen ward...‘ 1995 in’n ‚Stock und Stein‘ Verlag in Swerin un Band 3 1998 bi ‚BdO‘ in Norderstedt.

De dree Deelee vun den Romon vertellt de Geschichte vun't Leben un Arbeiden op'n Lannen in Meckelnborg vun dat 19. un 20. Jahrhunnert bet in uns' Tied. Dat gifft de Böker ok as CD, vun den Autor sülbens leest. He hett ok een Programm utarbeidt, wat du dor Platt mit lehren kannst. Dor mööt de Böker un de CDs ok to bruukt warrn.

Den Quickborn-Pries ward alle twee Johr för verdeente Leistungen in Nedderdütsche Sprook, Literatur un Forschung in de Volkskunn utgeben.

De Maten vun de Jury för den Quickborn-Pries:

- Johanna Kastendieck
- Herma Koehn
- Rolf-Dieter Klooß
- Dirk Römmer
- Michael Heinrich Schormann
- Marianne Ehlers
- Volker Holm